



REPUBLIKA E SHQIPËRISË  
ENTI RREGULATOR I ENERGJISË

Miratuar me Vendimin e Bordit të ERE Nr. 73, Datë 22.04.2020, ndryshuar me Vendimin e Bordit të ERE Nr. 04, Datë 15.01.2021

Nr. \_\_\_\_\_ prot., datë \_\_\_\_ / \_\_\_\_ / \_\_\_\_

Nr. \_\_\_\_\_ prot., datë \_\_\_\_ / \_\_\_\_ / \_\_\_\_

**KONTRATË TIP PËR SHITBLERJEN E ENERGJISË ELEKTRIKE NDËRMJET SHOQËRISË SË PRODHIMIT TË ENERGJISË ELEKTRIKE TË NGARKUAR ME DETYRIMIN E SHËRBIMIT PUBLIK, AKSIONET E SË CILËS KONTROLLOHEN PLOTËSISHT OSE PJESËRISHT NGA SHTETI DHE FURNIZUESI I SHËRBIMIT UNIVERSAL (FSHU) SH.A., PËR FURNIZIMIN E Klientëve Fundorë PËR PERIUDHËN KOHORE**

dd/mm/vvvv - dd/mm/vvvv

E lidhur sot më datë \_\_\_\_ . \_\_\_\_ ndërmjet:

Shoqërisë së prodhimit të ngarkuar me detyrimin e shërbimit publik aksionet e së cilës kontrollohen plotësisht ose pjesërisht nga shteti \_\_\_\_\_, e përfaqësuar nga \_\_\_\_\_, Administrator i Shoqërisë që më poshtë do të quhet "Shitësi",

Dhe

Furnizuesi i Shërbimit Universal (FSHU) SH.A., me objekt aktiviteti në: furnizimin me energji elektrike të klientëve fundorë që veprojnë në treg të rregulluar të përcaktuar nga legjislacioni në fuqi, ofrimin dhe sigurimin e cilësisë tregtare të shërbimit, si dhe çdo aktivitet tjetër fitimprurës me interes për shoqërinë, \_\_\_\_\_, përfaqësuar nga \_\_\_\_\_, Administrator i Shoqërisë \_\_\_\_\_, që më poshtë quhet "Blerësi",

(“Palët” ose “Pala” në këtë kontratë do të referohen në cilësinë e Shitësit, shoqërisë së prodhimit të ngarkuar me detyrimin e shërbimit publik aksionet e së cilës kontrollohen plotësisht ose pjesërisht nga shteti **dhe në cilësinë e Blerësit**, Furnizuesit të ngarkuar me detyrimin e Shërbimit Universal të Furnizimit (FSHU) SH.A.,

**Baza ligjore:** nenë 20 germa h, e Ligjit Nr.43/2015, “Për Sektorin e Energjisë Elektrike”, i ndryshuar, Vendimi Nr. 244, datë 30.03.2016 i Këshillit të Ministrave “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, i ndryshuar, Rregullat e Tregut Shqiptar të Energjisë Elektrike, Vendimi i Bordit të ERE “Për përcaktimin e të licencuarit të ngarkuar me detyrimin e shërbimit universal për tregun e energjisë elektrike dhe përcaktimin e kushteve për ushtrimin e detyrimit të shërbimit universal”, Vendimi i Ministrit përgjegjës për Energjinë (në cilësinë e përfaqësuesit të shtetit si pronar i aksioneve të subjektit prodhues i ngarkuar me detyrimin e shërbimit publik) Asamblenë e Përgjithshme të Shoqërisë.

### **Në kushtet kur:**

- Furnizuesi i Shërbimit Universal (FSHU) SH.A.,, në aktivitetin e licencuar të furnizuesit është ngarkuar me detyrimin e Shërbimit Universal të Furnizimit me energji elektrike për kategorinë e klientëve fundorë që përfitojnë nga Shërbimi Universal i Furnizimit me energji elektrike, në përputhje me parashikimet e pikës 1, të nenit 109, të Ligjit nr.43/2015 “Për sektorin e energjisë elektrike”, i ndryshuar, Vendimit nr.449, datë 15.06.2016, të Këshillit të Ministrave “Për miratimin e kushteve dhe procedurave për përcaktimin e furnizuesit të mundësisë së fundit të energjisë elektrike dhe vendimit te Bordit te ERE “Për përcaktimin e të licencuarit të ngarkuar me detyrimin e shërbimit universal për tregun e energjisë elektrike dhe përcaktimin e kushteve për ushtrimin e detyrimit të shërbimit universal”,
- Furnizuesit të Shërbimit Universal i është vendosur detyrimi i shërbimit publik për të blerë sasinë e nevojshme të energjisë elektrike, të prodhuar nga shoqëria e prodhimit të energjisë elektrike, aksionet e së cilës kontrollohen plotësisht ose pjesërisht nga shteti;
- Sasia e energjisë elektrike, për qëllime të përm bushjes së detyrimit për shërbim publik përkundrejt Furnizuesit të Shërbimit Universal, miratohet nga Asambleja e Përgjithshme e Shoqërisë së prodhimit të ngarkuar me detyrimin e shërbimit publik aksionet e së cilës kontrollohen plotësisht ose pjesërisht nga shteti;
- Ministri përgjegjës për energjinë (në cilësinë e përfaqësuesit të shtetit si pronar i aksioneve të shoqërisë së prodhimit të ngarkuar me detyrimin e shërbimit publik aksionet e së cilës kontrollohen plotësisht ose pjesërisht nga shteti në Asamblenë e Përgjithshme të Shoqërisë) me vendimin ----- datë ----- ka miratuar sasinë dhe çmimin e shitjes së energjisë elektrike për qëllime të furnizimit të Furnizuesit të Shërbimit Universal në kuadër të detyrimit për shërbim publik si edhe sasinë dhe çmimin për qëllime të kompensimit financiar për mosperformancë nga ana e shoqërisë së prodhimit të ngarkuar me detyrimin e shërbimit publik aksionet e së cilës kontrollohen plotësisht ose pjesërisht nga shteti..
- Sasia e energjisë elektrike dhe çmimi i miratuar pasqyrohen në kontratën e lidhur nga palët, dhe sipas pikës 2 te nenit 5 të, VKM Nr. 244, datë 30.03.2016, “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, të ndryshuar.

Palët bien dakord lidhur me përbajtjen e kontratës se shit-blerjes së energjisë elektrike në kuadër të përm bushjes së detyrimit për shërbim publik si më poshtë vijon:

## NENI 1

### QËLLIMI I KONTRATËS

Kjo Kontratë (**së bashku me Shtojcat apo anekset e saj**) rregullon të gjithë marrëdhënien e shitjes dhe blerjes së energjisë elektrike ndërmjet Palëve përfshirë këtu dhe jo vetëm programimin dhe nominimin (livrimin dhe pranimin) e energjisë elektrike për periudhën kohore 1 Janar-31 Dhjetor.

## NENI 2

### SASIA E KONTRAKTUAR DHE ÇMIMI I SHITJES

1. Sasia e programuar (kontraktuar për vitin) e prodhimit të energjisë elektrike që Shitësi është i detyruar të furnizojë Blerësin, për vitin, është ajo e përcaktuar në Vendimin e Asamblesë së Përgjithshme të Shitësit; nr.-----prot/ datë \_\_\_\_/\_\_\_\_/\_\_\_\_" dhe sipas këtij vendimi është \_\_\_\_ MWh e cila i furnizohet blerësit në përputhje me parashikimet e nenit 4 dhe 5 të kësaj kontrate.
2. Çmimi i shitjes së energjisë elektrike për vitin është ai i miratuar me Vendimin e Asamblesë së Përgjithshme të Shitësit; nr.-----prot/ datë / / " dhe sipas këtij vendimi është \_\_\_\_ leke/kWh.
3. Shitësi në varësi të përmirësimit të kushteve hidrike, të gjithë sasinë e prodhimit të energjisë elektrike mbi atë të parashikuar në pikën 1, por në çdo rast jo më shumë se sasia e nevojshme përfundim e klientëve fundorë që përfitojnë nga shërbimi universal i furnizimit, është i detyruar t'ja ofrojë(propozojë) fillimisht Blerësit me çmimin e parashikuar në pikën 2.
4. Blerësi, brenda afatit të vendosur nga shitësi, është i detyruar të konfirmojë mbi mundësinë që ka përfundim e parashikimeve në pikën 2. Në rast se Blerësi, brenda afatit të njofuar nga shitësi, nuk konfirmon mbi mundësinë që ka përfundim e parashikimeve në pikën 2, propozimi quhet i refuzuar.

## NENI 3

### PËRKUFIZIMET

1. **Referencat në Kohë:** Referencat e kohës do të jenë sipas Kohës Qendrore Evropiane (CET).
2. **Përputhja me Aktet nënligjore dhe Rregullat e Tregut:** Kjo Kontratë hartohet në përputhje me parashikimet e akteve ligjore dhe nënligjore në sektorin e energjisë elektrike. Në rast se ndonjë parashikim në këtë Kontratë bie në kundërshtim me ndonjë parashikim në aktet ligjore dhe rregullatore në fuqi, atëherë, ky parashikim në kontratë konsiderohet i pavlefshëm/pazbatueshëm dhe marrëdhënia rregullohet sipas parashikimeve të aktit në fuqi.
3. **Vlera e kompensimit:** Vlera që rezulton përsas sasinë e energjisë së paplotësuar nga shitësi me çmimin e përcaktuar sipas parashikimeve të nenit 5 të VKM 244/2016, i ndryshuar.
4. **Çmim i kontratës:** Çmimi i përcaktuar sipas parashikimeve të nenit 5 të VKM 244/2016, i ndryshuar.  
**Fatura e kompensimit:** Fatura që do të nënshkruhet nga shitësi dhe blerësi në lidhje më sasitë e energjisë të paplotësura nga ana e shitësit në fund të muajit janar të çdo viti përvitit paraardhës.
5. **"Dita e Punës"** do të thotë një ditë (përveç së shtunës dhe së dielës) në të cilën bankat komerciale janë të hapura përbiznes të përgjithshëm në vendet ku secila Palë ka zyrën e saj të regjistruar;
6. **"Përgjegjësia për Balancimin"** çdo pjesëmarrës i tregut të energjisë elektrike është përgjegjës përbalancimin e energjisë elektrike
7. **"Koha Qendrore Evropiane"** ose **"CET"** do të thotë Koha Qendrore Evropiane dhe do të përfshijë Kohën Dimërore Qendrore Evropiane dhe Kohën Verore Qendrore Evropiane sipas zbatimit;
8. **"Konfirmimi"** ka kuptimin e specifikuar në Nenin 5 dhe 6;

9. "**Kapaciteti i Kontratës**" lidhur me një Kontratë Individuale do të thotë, kapaciteti i vendosur mes Palëve, i shprehur në MW;
10. "**Çmimi i Kontratës**" lidhur me një Kontratë Individuale do të thotë, çmimi i vendosur nga Asambleja e shitësit sipas VKM 244/2016 të ndryshuar;
11. "**Sasia e Kontratës**" lidhur me një Kontratë Individuale do të thotë, sasia e vendosur mes Palëve, sipas nenit 2 të kësaj kontrate, e shprehur në MWh
12. "**Dëmet**" ka kuptimin e specifikuar në pikën 13. (**Kufizimi i Përgjegjësisë Financiare**)
13. "**Pala që nuk përmbush detyrimet**" ka kuptimin e specifikuar në pikën 10 (**Pezullimi i Livrimit**);
14. "**Filial**" lidhur me një Palë do të thotë një Njësi e Kontrolluar, direkt ose indirekt, nga ajo Palë, çdo Njësi që Kontrollon direkt ose indirekt atë Palë ose çdo Njësi direkt ose indirekt nën Kontrollin e përbashkët të një Pale
15. "**Pika e Livrimit**" lidhur me një Kontratë Individuale do të thotë pika e livrimit e vendosur mes Palëve;
16. "**Programi i Livrimit**" lidhur me një Kontratë Individuale do të thotë programi i livrimit i vendosur mes Palëve për ditën në avance sipas rregullave përkatëse;
17. "**Data e Pagesës**" ka kuptimin e specifikuar në pikën 14.2 (**Pagesa**)
18. "**Data e Hyrjes në Fuqi**" ka kuptimin e vendosur në faqen e parë të kësaj Kontrate;
19. "**Programi**" ka kuptimin e specifikuar në nenin 6, pika 3 dhe 7.2 (**Përkufizimi i Programit**) dhe "I Programuar" dhe "Programimi" do të interpretohen sipas kësaj;
20. "**Pamundësia e prodhimit si rrjedhoje e kushteve hidrike përfshirë efekt kompensimi**" përcaktohet nga niveli minimal në likenin e Fierzës në fund të çdo muaji ( Shtojca 3,) bazuar në rregullat përmenaxhimin e kaskadës në lumin Drin, përfshirë dhe aktet ligjore dhe nënligjore në fuqi) nën të cilin shitësi me kërkesën e blerësit është i detyruar të prodrojë, duke mos qenë subjekt i kompensimit financiar sipas pikës 1, të nenit 9 të kësaj kontrate.
21. "**Taksë**" do të thotë çdo taksë e tanishme ose e ardhshme, kuotë, taksë importi, detyrim, pagesë, vlerësim ose tarifë e çdo natyre (përfshirë interesin, gjobat dhe shtesat e tyre) që vendoset nga çdo qeveri ose autoritet tjetër taksash (për përfitimin ose jo të tij) lidhur me çdo pagesë sipas Kontratës përvçe taksës së vulës, regjistrimit, dokumentacionit ose ndonjë taksë të ngjashme;
22. Çdo term tjetër i përdorur në këtë kontratë do të lexohet në kuptimin e dhënë në legjispcionin në fuqi.

#### **NENI 4** **TË DREJTAT DHE DETYRIMET E BLERËSIT**

1. Blerësi do t'i paraqesë shitësit programet mujore/javore/ditës në avancë me bazë orare/ngarkesës për klientët fundorë në përputhje me parashikimet e akteve rregullatore në sektorin e energjisë elektrike dhe sipas formatit të parashikuar në aneksin e kësaj kontrate.  
Blerësi jo më vonë se 7 ditë kalendarike përpara fillimit të muajit të furnizimit do t'i dërgojë Shitësit gjithë të dhënat që lidhen me parashikimin e ngarkesës përmuanjin pasardhës me bazë javore/ditore te ngarkesës.
2. Blerësi jo më vonë se dita e mërkure e çdo javë do ti dërgojë Shitësit të dhënat që lidhen me ngarkesën e klientëve fundorë për sasinë e javës në avancë me bazë ditore/orare.
3. Blerësi duke marrë në konsideratë programet e dërguara përmuanjin/javën në avancë nga Shitësi, do ti dërgojë shitësit brenda orës 11:00 programin e ditës në avancë me bazë orare të ngarkesës.

#### **NENI 5** **TË DREJTAT DHE DETYRIMET E SHITËSIT**

- Shitësi do të furnizojë dhe blerësi do të pranojë sasinë e energjisë elektrike të konfirmuar nga shitësi për blerësin sipas parashikimeve në pikën 2, 3 dhe 4. Në rast se nuk do të ketë dakordësi midis palëve, për sa parashikuar në nenet 4 dhe 5, atëherë për palët do të jetë i detyrueshëm nominimi i pranuar nga Platforma e OST për nominimet.
- Shitësi, jo më vonë se 5 ditë kalendarike përpara fillimit të muajit në të cilin do të bëhet furnizimi, do të konfirmojë për blerësin programet mujore/javore/ditore me bazë orare të prodhimit si dhe kapacitetin maksimal dhe minimal të furnizimit të detyrueshëm për blerësin për qëllime të përmbushjes nga shitësi të detyrimit për shërbim publik të ofrimit të shërbimeve të balancimit për OST.
- Shitësi në vijim të konfirmimit sipas pikës 2, jo më vonë se dita e enje e çdo jave, do të konfirmojë për Blerësin programet javore/ditore me bazë orare të prodhimit.
- Shitësi, duke marrë në konsideratë konfirmimet e dërguara për muajin/javën në avancë do ti dërgojë blerësit brenda orës 12:00 konfirmimin për programin e furnizimit për qëllime të nominimit në Platformë e OST për nominimet për ditën në avancë (me bazë orare të prodhimit siç kërcohët nga Platforma e OST për nominimet.) dhe do të jetë përgjegjës për përmbushjen e këtij detyrimi për Ditën në Avancë.
- Shitësi ka detyrimin që në fund të çdo muaji të njoftojë blerësin në lidhje me nivelin në liqenin e Fierzës, me qëllim evidentimin e faktit nëse ndodhet në kushtet e pamundësisë së prodhimit si rrjedhojë e kushteve hidrike përfshirë kompensimi sipas përcaktiveve të kësaj kontrate.**

## **NENI 6 DETYRIMET KRYESORE PËR FURNIZIMIN ME ENERGJI ELEKTRIKE**

- Përgjegjësia për balancimin e energjisë:** Shitësi dhe blerësi janë subjekte të rregullave në fuqi për balancimin dhe përfshirë përgjegjës për balancimin e energjisë elektrike përkundrejt OST (deri sa nuk kanë një marrëveshje që rregullon përgjegjësinë e balancimit me të tretët).
- Nominimi (Livrimi dhe Pranimi):** Shitësi dhe blerësi do të nominojnë në Platformën e OST për nominimet. Bazuar në konfirmimet e bëra paraprakisht, çka përbën konfirmimin për livrimin (Shitësi) dhe pranimin (Blerësi) e energjisë elektrike objekt i kësaj kontrate. Sasia sipas programit të nominuar për ditën në avancë ose intraday (në rastet e rishikimit të programit të nominuar) është sasia kontraktuale përfshirë blerësi do të paguajë Shitësit me çmimin e përcaktuar në nenin 2 të Kontratës.
- "Program"** sipas zbatimit, do të thotë veprimet e nevojshme përfshirë Palë për kryerjen e detyrimeve përkatëse të livrimit dhe pranimit, që përfshin programimin, njoftimin, kërkimin dhe konfirmimin me Palën tjetër, agjentët dhe përfaqësuesit e tyre të autorizuar përkatës apo me OST, Sasinë e Kontratës, Kapacitetin e Kontratës, Pikën e Livrimit, Programin e furnizimit, Periudhën Totale të Furnizimit, dhe çdo kusht tjetër të Kontratës sipas gjithë rregullave të zbatueshme dhe praktikave e procedurave të tjera të zakonshme industriale.

## **NENI 7 LIVRIMI, MATJA, TRANSMETIMI DHE RISKU**

- Rryma/Frekuenca/Tensionet:** Energjia Elektrike do të livrohet me rrymën, frekuencën dhe tensionin e zbatueshëm në Pikën përkatëse të Livrimit sipas standardeve të parashikuara në Kodet dhe Rregullat ne fuqi.

2. **Programet e Deklaruara:** Sasia e Energjisë Elektrike që do të programohet dhe konfirmohet nga Shitësi për Blerësin, do t`i furnizohet këtij të fundit mbi baza vjetore, mujore, javore, ditore dhe orare në përputhje me Rregullat e Tregut te Energjisë Elektrike si dhe Kodet e Rrjetit. Nominimi fizik/programi i livrimit për ditën e nesërme duhet paraqitur në përputhje me Rregullat e Tregut dhe Kodet ne fuqi.

3. **Dokumentacioni i Livrimeve dhe Marrjeve në Dorëzim:** Bazuar në një kërkesë të arsyeshme, Palët: - do t'i sigurojnë njëra-tjetrës dokumentacionin që posedojnë ose do të kontrollojë paraqitjen e Programeve, sasive, livrimeve dhe pranimit të energjisë elektrike për qëllimet e përcaktimit të shkakut të çdo devijimi mes afateve të Kontratës Individuale dhe marrjeve aktuale në dorëzim të energjisë elektrike (referuar nominimit ne Platformën e OST për nominimet).
4. **Risqet e Shitësit dhe Blerësit:** Shitësi do të marrë përsipër gjithë risqet dhe do të përgjigjet për çdo kosto apo pagesë të vendosur ose shoqëruese të Programimit, transmetimit dhe livrimit të Sasisë së energjisë së parashikuar në Kontratë deri në Pikën e Livrimit. Blerësi do të marrë përsipër gjithë risqet dhe do të përgjigjet për çdo kosto apo pagesë të vendosur ose shoqëruese të Programimit, pranimit dhe transmetimit të Sasisë së Kontratës në dha nga Pika e Livrimit.
5. **Pikat e Livrimit:** Shitësi do ta livrojë energjinë elektrike në kufijtë e sistemit të transmetimit të OST, me kusht që të ekzistojnë matës në këto pika për të lejuar verifikimin e shumave dhe kohës së livrimeve.

## NENI 8 MOS-PERFORMANCA PËR SHKAK TË FORCËS MADHORE

1. **Përkufizimi i Forcës Madhore:** Përveç se kur specifikohet ndryshe, " **Forcë Madhore**" për qëllimet e Kontratës do të thotë një ngjarje jashtë kontrollit të arsyeshëm të Palës që pretendon Forcën Madhore ("Pala Pretenduese"), siç përcaktohet në Ligjin nr.43/2015 "Për Sektorin e Energjisë Elektrike", i ndryshuar, që nuk mund ta shmanget ose ta kapércente në mënyrë të arsyeshme dhe që bën të pamundur që Pala Pretenduese të kryejë detyrimet e livrimit ose pranimit, për shkaqet e mëposhtme, por pa u kufizuar me to:
  - a) defekti në komunikim ose i sistemeve kompjuterikë të OST-së përkatëse që e pengon Palën Pretenduese të kryejë detyrimet e livrimit ose pranimit; ose
  - b) pezullimi nga OST-ja përkatëse te livrimit, pranimit ose injorimit prej saj të detyrimeve të Palës Pretenduese lidhur me Programimin sipas Kontratës.
2. **Çlirimi nga Detyrimet e Livrimit dhe Pranimit:** Nëse një Palë pengohet plotësisht ose pjesërisht për shkak të Forcës Madhore, në kryerjen e detyrimeve të saj për livrim dhe pranim sipas një ose më shumë Kontratave dhe kjo Palë respekton kërkesat e pikës **8.3 (Njoftimi dhe Lehtësimi i Forcës Madhore)**, do të konsiderohet se nuk ka ndodhur asnjë shkelje ose mospagim nga ana e Palës Pretenduese dhe ajo do të çlirohet (dhe jo thjesht pezullohet) nga këto detyrime për atë periudhë kohore dhe në atë shkallë që kjo Forcë Madhore e pengon performancën e saj. Asnjë detyrim për të paguar dëmet sipas pikës **8(Zhdëmtimet për Paftësinë për Livrim dhe Pranim)** nuk do t'i merret Palës Pretenduese lidhur me sasitë e pa livruara ose të pa marra.
3. **Njoftimi dhe Lehtësimi i Forcës Madhore:** Pala Pretenduese, sa më shpejt që të jetë e mundur pasi mëson për Forcën Madhore, do të njoftojë Palën tjetër për fillimin e Forcës Madhore dhe, për aq sa është e mundur, do t'i sigurojë një vlerësim jo-detyrues mbi zgjatjen dhe kohëzgjatjen e pritshme të paaftësisë së saj performuese. Pala Pretenduese do të përdorë gjithë përpjekjet komercialisht të arsyeshme për të lehtësuar efektet e Forcës Madhore dhe gjatë vazhdimit të Forcës Madhore, do t'i sigurojë Palës tjetër përditësimë të arsyeshme, kur dhe nëse disponohen, mbi zgjatjen dhe kohëzgjatjen e pritshme të paaftësisë performuese.
4. **Efektet e Forcës Madhore mbi Palën Tjetër:** Në rast dhe në atë shkallë që Shitësi çlirohet nga detyrimet e livrimit për shkak të Forcës Madhore, Blerësi do të çlirohet gjithashtu nga detyrimet korresponduese të pranimit dhe pagesës. Në rast dhe në atë shkallë që Blerësi çlirohet nga detyrimet e

pranimit për shkak të Forcës Madhore, Shitësi do të çlirohet gjithashtu nga detyrimet korresponduese të livrimit.

## **NENI 9** **ZHDËMTIMET /KOMPENSIMET**

- 1. RASTI I MOSPERFORMANCE S NGAN E SHITËSIT:** Blerësi ("Pala Pranuese") ka të drejtën e një kompensimi për sasinë e energjisë elektrike që rezulton si diferençë ndërmjet sasisë vjetore të përcaktuar në pikën 1, të nenit 2 dhe asaj të nominuar në sistemin DAMAS sipas parashikimeve të neneve 4 dhe 5. Kompensimi do të jetë vjetor dhe do të përllogaritet në bazë të të dhënave mujore, në atë shkallë që Shitësi ("Pala Livruese") nuk i konfirmon Blerësit të gjithë sasinë mujore/javore/ditore të përcaktuar në pikën 1, të nenit 2 të kontratës (shtojca nr. 1), por në çdo rast jo më shumë se sasia e nevojshme përfundimin e klientëve fundorë që përfitojnë nga shërbimi universal i furnizimit dhe kjo paaftësi nuk shfajësitet nga një ngjarje e forcës madhore apo nga pamundësia e shitësit përfunduar si rrjedhojë e kushteve hidrike përfundim.

Çmimi mbi cilin do të llogaritet kompensimi do të jetë çmimi HUPX në muajin kur përllogaritet kompensimi minus çmimin e përcaktuar në nenin 2, pika 2 të kësaj kontrate.

- 2. RASTI I MOSRESPEKTIMIT NGA ANA E BLERËSIT:** Në atë shkallë që programet e nominuara në sistemin DAMAS nga Blerësi dhe nga Shitësi përfunduan në avance (ose intraday) sipas parashikimeve të neneve 4 dhe 5, rezultojnë më të vogla se sasia konfirmuara përfunduar në avance, kjo sasi energjie do të trajtohet si e depozituar tek Shitësi dhe duhet të përdoret nga Blerësi brenda muajit pasardhës.
- 3. Ne atë shkalle që programet e nominuara në sistemin DAMAS nga Blerësi dhe nga Shitësi përfunduan në avance (ose intraday) sipas parashikimeve të neneve 4 dhe 5, rezultojnë më të mëdha se sasia e parashikuar në pikën 1, të nenit 2, dhe kjo energji ka shkuar përfundimin e klientëve fundorë, atëherë Shitësi konsiderohet se ka përbushur detyrimin kontraktual në përputhje me pikën 1, nenit 2 të kontratës.**
- 4. Shuma e pagueshme:** shumat e pagueshme sipas nenit 9 do të faturohen dhe paguhen sipas nenit 14 (Faturimi dhe pagesa).

## **NENI 10** **PEZULLIMI I LIVRIMIT**

Përveç të drejtave ose zhdëmtimeve të tjera mundshme nëse "Pala që nuk përbush detyrimet" nuk paguan ndonjë pagesë të vendosur sipas Kontratës, ose sipas kushteve të garancive nëse do aplikohen nuk arrin ta sigurojë, apo zëvendësojë vlerën e kërkuar sipas Kontratës Pala që përbush detyrimet do të autorizohet, jo më parë se tre (3) Ditë Puna pas dërgimit të një njoftimi me shkrim Palës që nuk përbush detyrimet, që të pushojë livrimet e mëtejshme të energjisë elektrike dhe të çlirohet (jo thjesht të pezullohet) nga detyrimet kryesore të livrimit) sipas gjithë Kontratave specifike deri kur Pala që përbush detyrimet të ketë marrë kolateralin e kërkuar ose pagesën e plotë (përfshirë gjithë interesat e mospagimit dhe shpenzimet e tjera) të gjithë shumave të papaguara që i detyrohen palës që përbush detyrimet.

Pezullimi i livrimeve, apo çlirimeve të detyrimeve të tjera të livrimit, nga Palët mund të bëhet vetëm me miratimin e ERE.

## **NENI 11** **KOHËZGJATJA**

- 1. Kontrata është e vlefshme përfundohën 1 Janar-31 Dhjetor të çdo viti.**

## NENI 12

### KUFIZIMI I PËRGJEGJËSISË FINANCIARE

1. **Përjashtimi i Përgjegjësisë Financiare:** Subjekt i pikave 13.2 dhe 13.3 dhe përveç kur lidhet me shumat e pagueshme sipas nenit 9 (**Zhdëmtimet**), një Palë dhe punonjësit e saj, zyrtarët, nuk kanë përgjegjësi financiare ndaj Palës tjetër për asnjë humbje, kosto, shpenzim ose dëm ("Dëmet"), (përfshirë, pa kufizim, çdo përgjegjësi financiare për shkak të çrregullimeve në furnizimin me energji elektrike sipas një Kontrate specifike) që pëson Pala tjetër sipas Marrëveshjes ose lidhur me të, përveç kur këto Dëme shkaktohen nga neglizhenca e madhe, mos pagesa e qëllimshme ose mashtrimi i një Pale ose punonjësve, zyrtarëve, përdorur nga kjo Palë për kryerjen e detyrimeve të saj sipas Kontratës.
2. **Dëmi Pasues dhe Kufizimi i Përgjegjësisë Financiare:** Subjekt i pikës 13.3, përgjegjësia ligjore e një Pale sipas Kontratës ose lidhur me të:
  - (a) nuk përfshin përgjegjësinë financiare për Dëme indirekte dhe/ose pasuese, përfshirë, pa u kufizuar, humbjen e fitimit, klientelës, mundësive për biznes ose kursimeve të parashikuara; dhe
  - (b) kufizohet me një shumë të barabartë me shumat e pagueshme për energjinë elektrike të furnizuar ose që do të furnizohet nga një Palë sipas çdo Kontrate specifike përkatëse me kusht që ky kufizim të mos zbatohet për pagesat sipas pikës 9 (**Zhdëmtimet për Paaftësinë për Livrim dhe Pranim**).
3. **Mos pagesa e Qëllimshme, Mashtrimi dhe të Drejtat Themelore:** Asgjë në Marrëveshje nuk vepron për të përjashtuar ose kufizuar përgjegjësinë ligjore të Palës për:
  - (a) mos pagesën e qëllimshme,
  - (b) mashtrimin; ose
  - (c) çdo veprim që rrezikon të drejtat ligjore themelore të një Pale ose që shkel detyrimet kontraktuale themelore të një Pale.
4. **Detyra për Lehtësimin e Humbjeve:** Për shmangien e dyshimit, dhe subjekt i Legjislacionit në Fuqi, çdo Palë bie dakord se ka për detyrë të lehtësojë Dëmet dhe premton që do të përdorë përpjekje komercialisht të arsyeshme për minimizimin e çdo Dëmi që mund të pësojë sipas Kontratës ose lidhur me të.

## NENI 13

### FATURIMI DHE PAGESA

1. **Fatura;** Shitësi do t'i dorëzojë Blerësit një faturë sipas formatit dhe standardeve që parashikon legjislacioni në fuqi, e cila paraqet sasi të totale të Energjisë Elektrike të livruar nga shitësi te blerësi sipas nominimeve ditore të konfirmuara për Muajin paraardhës. Paraqitja e kësaj fature do të bëhet brenda datës 10 të Muajit pasardhës të livrimit të energjisë elektrike (ose kur kjo datë është pushim zyrtar, ditën pasardhëse të punës).
2. **Pagesa;** Blerësi do t'i kryejë pagesën Shitësit kundrejt vlerës së faturës Mujore të nënshkruar nga Palët. Pagesa do të bëhet brënda 30 ditëve nga dita e njoftimit të faturës nga shitësi, Data e pagesës do të konsiderohet data që nga llogaria e Blerësit preken fondet monetare.

3. **Vonesa në kryerjen e pagesës;** Nëse Blerësi dështon në kryejen e pagesës brenda afatit të përcaktuar në këtë Kontratë, shpërblimi për dëmet e shkaktuara si rezultat i vonesës, do të jetë sipas akteve ligjore dhe nënligjore në fuqi.
4. **Faturimi dhe pagesa e sasive të programuara Kontraktuale:** Faturimi dhe pagesa do të bazohen në Sasitë e programuara/nominuara të kontratës në përputhje me të gjitha rregullat në fuqi për dërgimin e Programeve për muajin përkatës. Kur dhe nëse të dhënat faktike bëhen të disponueshme dhe konfirmojnë se sasitë faktike të energjisë elektrike të livruara dhe marra nga palët ndryshojnë nga ato të përcaktuara në Programet e Dërguara faturimi dhe pagesa do të rregullohen për të pasqyruar çdo devijim midis sasive të kontraktuara dhe livrimeve faktike të energjisë elektrike.
5. **Shumat e diskutueshme;** Për çdo pretendim që lidhet me saktësinë e faturës, do të jepet një shpjegim me shkrim nga Shitësi ose Blerësit dhe korrektimet në faturë do të bëhen vetëm brënda muajit të faturuar, në të kundërt do të paguhet shuma e faturuar jo më vonë se data e afatit të pagesës dhe diferencat (shtesat apo pakësimet) nga korrektimet do të reflektohen në muajt pasardhës.

## **NENI 14 TAKSAT DHE TATIMET**

Çdo çështje që lidhet me taksat dhe tatimet rregullohet në përputhje me legjislacionin respektiv për taksat dhe tatimet në Republikën e Shqipërisë.

## **NENI 15 TRANSFERIMI**

1. **Ndalimi:** Asnjëra Palë nuk do të autorizohet që t’ia transferojë të drejtat dhe detyrimet e veta sipas Kontratës, një pale të tretë pa pëlqimin paraprak me shkrim të Palës tjetër, *i cili nuk do të vonohet, refuzohet ose pengohet në mënyrë të paarsyeshme. Çdo transferim i të drejtave dhe detyrimeve bëhet efektiv pas miratimit nga ERE .*
2. **Transferimi tek Filialët:** Çdo Palë do të autorizohet t’ia transferojë të drejtat dhe detyrimet e veta sipas Kontratës, pa pëlqimin paraprak me shkrim të Palës tjetër, një Filiali me aftësi paguese të njëjtë ose më të madhe. Ky transferim do të hyjë në fuqi vetëm pas marrjes së njoftimit nga Pala tjetër dhe miratimit të Entit Rregulator te Energjisë (ERE).

## **NENI 16 PËRFAQËSIMET DHE GARANCITË**

1. Për të adresuar riskun e çdo Pale, përsa i përket mundësisë për përbushjen e detyrimeve të palës tjetër, dhe për të siguruar përbushjen e të gjithë detyrimeve që rezultojnë nga kjo Kontratë apo kontrata specifike, Palët mund të dakordësojnë, më parë apo në çdo kohë pas hyrjes në fuqi, ose në kohën pas nënshkrimit të kontratave specifike , ekzistencën e mbështetjes me garanci kredie dhe Garantues sipas kushteve, të drejtave dhe detyrimeve të dakordësuara prej tyre.

**NENI 17**  
**PERSONAT E KONTAKTIT**

1. Të gjitha njoftimet, që dërgohen sipas ose në lidhje me këtë Kontratë, duhet të dërgohen me shkrim në adresën e mëposhtme me e-mail ose faks:

Për Blerësin	Për Shitësin
<b>Administratorët e Kontratës</b>	
Z/Znj. _____	Z/Znj _____
Funksioni _____	Tel :
Tel :	Mail :
Mail :	
<b>Operatorët/Skeduluesit</b>	
Z/Znj. _____	Z/Znj _____
Funksioni _____	Tel :
Tel :	Mail :
Mail :	

**NENI 18**  
**LEGJISLACIONI NË FUQI DHE ZGJIDHJA E MOSMARRËVESHJEVE**

1. **Legjislacioni në Fuqi:** Përveç kur specifikohet ndryshe, kjo Kontratë do të interpretohet dhe drejtohet nga legjislacioni në fuqi në Republikës se Shqipërisë.
2. **Zgjidhja e Mosmarrëveshjeve:** Nëse palët nuk arrijnë ta zgjidhin mosmarrëveshjen me mirëkuptim, çdo mosmarrëveshje që ngrihet lidhur me Kontratën do t'i referohet për zgjidhje ERE-s. Sa më sipër nuk përjashton të drejtën e palëve për të adresuar nëpërmjet Gjykatës zgjidhjen e çdo mosmarrëveshje të krijuar në interpretim apo kuptim të kësaj kontrate.

**NENI 19**  
**TË NDRYSHME**

1. **Regjistrimi i Bisedave Telefonike:** Çdo Palë lejohet të regjistrojë bisedat telefonike të mbajtura lidhur me Kontratën dhe t'i përdorë si provë. Çdo Palë pranon se ka marrë gjithë pëlqimet e

nevojshme të zyrtarëve dhe punonjësve të vet për këto regjistrime, dhe këto ja bashkëngjit kësaj kontrate.

2. **Njoftimet dhe Komunikimet:** Përveç kur parashikohet ose vendoset ndryshe nga Palët, gjithë njoftimet, deklaratat e dërguara nga një Palë tjetrës duhet të jenë me shkrim (postë të shpejtë ose korrier). Çdo Palë mund ta ndryshojë informacionin e njoftimit me anë të një njoftimi me shkrim palës tjetër. Njoftimet me shkrim, deklaratat dhe faturat do të konsiderohen si të marra dhe efektive:
  - a. nëse shpërndahen dorazi Ditën e Punës, ose Ditën e parë të Punës pas datës së fundit të livrimit;
  - b. nëse dërgohen me postë, Ditën e 2<sup>te</sup> të Punës pas datës së postimit, ose nëse dërgohen nga një shtet në tjetrin, në Ditën e 5<sup>te</sup> të Punës pas ditës së postimit;
  - c. nëse dërgohen me transmetim faksimile dhe prodhohet një raport i vlefshëm transmetimi që konfirmon marrjen, ditën e transmetimit nëse është transmetuar para orës 17.00 (me orën e marrësit) në Ditën e Punës ose në orën 09.00 (me orën e marrësit) në Ditën e parë të Punës pas transmetimit.
3. **Amendimet:** Çdo amendim ose shtesë në këtë Kontratë do të bëhet vetëm me shkrim dhe do të nënshkruhet nga të dyja Palët, dhe hyn në fuqi vetëm pas miratimit nga ERE.
4. **Pavlefshmëria e Pjesshme:** Nëse, në çdo kohë, ndonjë dispozitë e kësaj Kontrate është ose bëhet e paligjshme, e pavlefshme ose e pazbatueshme, në çdo drejtim, sipas ligjit të çdo juridikzioni përkatës, ligjshmëria, vlefshmëria dhe zbatueshmëria e dispozitave të mbetura të kësaj Kontrate, nuk do të preken ose dëmtohen në ndonjë mënyrë. Në rast se legjislacioni ne fuqi sjell ndryshime të dispozitave të kësaj kontrate, deri në miratimin nga ERE të këtyre ndryshimeve, legjislacioni i zbatueshëm do të prevalojë në kuptimin dhe interpretimin e këtyre dispozitave.

## NENI 20 MIRATIMI I ERE-S, EFEKTET DHE ZGJIDHJA E PARAKOHSHME

1. Kjo kontratë i shtrin efektet për periudhën 1 Janar-31 Dhjetor.
2. Palët kanë detyrimin të njoftojnë ERE lidhur me nënshkrimin e kësaj kontrate.
3. Kjo kontrate tip mund të ndryshohet vetëm me miratimin e ERE.

## NENI 21

Kjo kontratë nënshkruhet në 4 (katër) kopje të barasvlershme, 2 (dy) për secilën palë.

---

ADMINISTRATOR

---

ADMINISTRATOR

**Shtojca 1: Programet e livrimit sipas Neneve 4 dhe 5 të kësaj kontrate**

**Shtojca 2: Sipas Nenit 19, të kësaj kontrate “Pëlqimet e nevojshme të zyrtarëve dhe punonjësve të Palëve për regjistrimet telefonike ”**